



Magnum Bullarium Romanum, Seu Ejusdem Continuatio

Quæ Supplementi loco sit, tum huicce, tum aliis quæ præcesserunt
Editionibus, Romanæ, & Lugdunensi ...

A Clemente XI. Ad Benedictum XIII.

Luxemburgi, MDCCXLI.

48. Cum sicut &c. Præceptum super observatione generalis Interdicti, cui
R. P. D. Fabritius Episcopus, Lyciensis à Sæculari potestate violenter
ejectus in actu suæ ejectionis Civitatem & Diœcesim ...
-

[urn:nbn:de:hbz:466:1-74859](https://nbn-resolving.org/urn:nbn:de:hbz:466:1-74859)

Derogatio contrarium, præcipue Brevis la. mem: Innoc. XII. de quo supra.

causarum Palatii Apostolici Auditores judicari, & definiti debere; ac irritum, & inane, si secus super his à quoquam quâvis auctoritate scienter, vel ignoranter contigerit attentari; Non obstantibus prædictis Innocentii XII. Prædecessoris nostri literis, aliisque præmissis, ac Constitutionibus, & Ordinationibus Apostolicis, nec non, quatenus opus sit, prædictorum Ordinis, & Provinciarum, aliisque quibusvis, etiam juramento, confirmatione Apostolica, vel quâvis firmitate alia roboratis statutis, & consuetudinibus, Privilegiis quoque, Indultis, & Literis Apostolicis in contrarium præmissorum quomodolibet concessis, confirmatis, & innovatis; Quibus omnibus, & singulis illorum tenores præsentibus pro plenè, & sufficienter expressis, ac de verbo ad verbum insertis habentes, illis aliàs in suo robore permansuris, ad præmissorum effectum hac vice dumtaxat specialiter, & expressè derogamus, cæterisque contrariis quibuscumque.

§. 5. Volumus autem, ut earundem præsentium literarum transumptis, seu exemplis, etiam impressis, manu alicujus Notarii publici subscriptis, & sigillo Personæ in dignitate Ecclesiasticâ constitutæ munitis, eadem prorsus fides adhibeatur, quæ adhiberetur ipsis præsentibus, si forent exhibitæ, vel ostensæ. Datum Romæ apud Sanctam Mariam Majorem sub Annulo Piscatoris die x. Novembris MDCCXI. Pontificatus Nostri Anno Undecimo.

Pro R. P. D. Oliverio.

I. C. Battellus.

Fides habenda Transumptis.

Dat. die 10. Novemb. anno 1711.

ANNO 1712. XLVIII.

PRÆCEPTUM

Super observatione generalis Interdicti, cui R. P. D. Fabritius Episcopus Lycienis à Seculari potestate violenter ejectus in actu suæ ejectionis Civitatem, & Diocesim Lyciensem supposuerat.

CLEMENS PAPA XI.

Ad perpetuam rei memoriam.

Cum, sicut ad Apostolatus nostri notitiam pervenit, in Civitate, & Diocesi Lycien. quas nuper Venerabilis Frater Fabritius Episcopus Lycien., non solum à suâ Ecclesiâ Lycien. verum etiam à toto Regno Neapolis, per intolerabilem Laicalis potestatis abusum violenter ejectus, in actu ejusmodi suæ ejectionis, juxta Sacrorum Canonum præscriptum, Ecclesiastico Interdicto suppositus, nonnullæ personæ Ecclesiasticæ Sæculares, & forsân etiam Regulares reperiantur, quæ temerario ausu, sive variis ab Ordiniorum auctoritate exemptionis, ac immediata huic Sanctæ Sedi subjectionis, nec non Apostolicorum earum Ordinibus, vel Institutis concessorum privilegiorum prætextibus, sive etiam eâ ratione, quod earum Ecclesiæ, Conventus, & Monasteria sub præsentâ protectione Regiâ, aut de præfeso Regio jurepatronatu esse dignoscantur, se ad dicti generalis Interdicti observantiam minimè teneri, ac Missas, & alia Divina Officia celebrare, necnon Sanctissimum Eucharistiæ Sacramentum administrare, Fidelium defunctorum cadavera sepulture tradere, aliisque actus per eostem Sacros Canones tempore Interdicti prohibitos, cum gravi Fidelium scandalo, publicoque auctoritatis Ecclesiasticæ contemptu, exercere posse præsumunt.

§. 1. Hinc est, quod Nos Sacrorum Cano-

num præfatorum, & Concilii Tridentini dispositioni inhaerentes, ac generale Interdictum, cui præfatus Fabritius Episcopus Civitatem, & Diocesim prædictas, sicut præmittitur, subjecit, pro valido, & iusto habentes, illudque ad majorem cautelam, ac quatenus opus sit, approbantes, & confirmantes, eique Civitatem, & Diocesim præfatas de novo subjicientes, Motu proprio, ac ex certâ scientiâ, & maturâ deliberatione nostris, deque Apostolicæ potestatis plenitudine, omnes, & singulas personas Ecclesiasticas, tam Sæculares, cujusvis tandem gradus, præminentie, ac dignitatis fuerint, quam cujusvis Ordinis, Congregationis, Instituti, & Societatis etiam Jesu, Regulares, ad exactam ejusdem Interdicti observantiam omnino teneri, & obligatas existere, ac fore, itaut in quibusvis Ecclesiis, Locis piis, Oratoriis etiam privatis, ac Cappellis domesticis, etiam in Fortalitiis Regiis Civitatis, & Diocesis prædictarum existentibus, quocumque privilegio, exemptione, & Indulto, etiam præfensæ protectionis Regiæ, seu præfensæ jurispatronatus Regii, tametsi pluries, ac quantivocumque vicibus ab hac Sanctâ Sede approbati, suffultis, nec Missæ, nec alia Divina Officia celebrari, neque Sanctissimum Eucharistiæ Sacramentum prædictum administrari, minusque Fidelium defunctorum cadavera sepeliri, aliave tempore Interdicti prohibita exerceri, nisi temporibus, casibus, & modis per prædictos Sacros Canones permisis, ullo modo valeant, tenore præsentium statuimus, decernimus, & ordinamus; Adeoque privilegia, exemptiones, indulta, protectiones, & jurispatronatus hujusmodi, etiam si ceteroquid de jure subsisterent, nemini ad effectum se eximendi ab observantiâ præfati generalis Interdicti allatenus suffragari posse, harum ferie declaramus.

§. 2. Præterea omnes, & singulos, quantumvis, exemptos, & quovis modo privilegiatos, qui statuto, decreto, & ordinationi nostris hujusmodi, sub quovis qualis colore, ratione, aut prætextu hæcenus quomodolibet contravenerunt, seu contravenient in futurum, etiam si Cappellanorum Regiorum honore, seu alio quovis titulo, munere, aut dignitate præfulgeant, eo ipso, & absque aliâ declaratione in censuras, & pœnas Ecclesiasticas per præfatos Sacros Canones, & Constitutiones Apostolicas desuper inflictas, & impositas incidisse, illisque innodatos fuisse, & esse, ac fore, nec ab eis à quoquam, nisi à Nobis, seu Romano Pontifice pro tempore existente (præterquam in mortis articulo, & tunc cum reincidentia in eadem censuras, & pœnas eo ipso, quo convaluerint) absolvi, & liberari posse, earundem tenore præsentium similiter statuimus, & declaramus.

§. 3. Facultatem insuper contra Transgressores Ecclesiasticos, si quidem Sæculares fuerint, ad Beneficiorum Ecclesiasticorum per eos obtentorum privationis, aliaque in posterum obtinendi inhabilitationis: si verò Regulares, ad Officiorum quorumcumque, ac vocis activæ, & passivæ privationis, aliaque pœnas canonicas procedendi, Nobis, & Apostolicæ Sedi specialiter, & expressè reservantes.

§. 4. Ac decernentes pariter easdem præsentem literas, & in eis contenta quæcumque, etiam ex eo, quod præfati, & alii quicumque in præmissis interesse habentes, seu habere quomodolibet prætendentes, cujusvis status, gradus, ordinis, præminentie, & dignitatis existant, seu aliàs specificâ, & individua mentione, & expressione digni illis non consenserint, nec ad ea vocati, citati, & auditi, causæque propter quas præsentem emanarint, sufficienter adductæ, verificate, & justificatæ non fuerint, aut ex aliâ qualibet etiam quantumvis juridicâ, & privilegiatâ causâ, colore, prætextu,

confirmat. & ab omnibus observari mandat.

Contravenientes in censuras incidisse se declarat, quarum absolutionem sibi reservat.

Alias pœnas in eos constituit.

Cum amplissimis clausulis

Pontifex Interdictum

&c

lis, & decreto irritanti.

& capite, etiam in corpore juris clauso, etiam enormis, enormissimæ, & totalis læsionis, nullo unquam tempore de subreptionis, vel obreptionis, aut nullitatis vitio, aut intentionis nostræ, vel interesse habentium consensus, aliove quolibet, etiam quantumvis magno, ac substantiali, ac incogitato, & incogitabili, individuumque expressionem requirente defectu notari, impugnari, infringi, invalidari, retractari, in controversiam vocari, aut ad terminos juris reduci, aut adversus illas aperiitionis oris, restitutionis in integrum, aliudve quodcumque juris, facti, vel gratiæ remedium intentari, vel impetrari, aut impetrato, seu etiam motu, scientiâ, & potestatis plenitudine paribus concessio, vel emanato quempiam in iudicio, vel extra illud uti, seu se juvare ullo modo posse, sed ipsas præsentis literas semper firmas, validas, & efficaces existere, & fore, suosque plenarios, & integros effectus sortiri, & obtinere, ac ab illis, ad quos spectat, & pro tempore quodcumque spectabit, inviolabiliter, & inconcussè observari: Sicque, & non aliter in præmissis per quoscumque Iudices Ordinarios, & Delegatos, etiam Causarum Palatii Apostolici Auditores, ac S. R. E. Cardinales, etiam de Latere Legatos, & Sedis Apostolicæ Nuncios, aliove quoslibet quacumque præminentia, & potestate fungentes, & functuros, sublatâ eis, & eorum cuilibet quavis aliter iudicandi, & interpretandi facultate, & auctoritate, iudicari, & definiti debere, ac irritum, & inane, si secus super his à quoquam quavis auctoritate scienter, vel ignoranter contigerit attentari. Non obstantibus præmissis, sac quatenus opus sit, nostrâ, & Cancellariæ Apostolicæ regulâ de iure quesito non tollendo, aliisque Apostolicis, ac in universalibus, provincialibusque, & Synodalibus Conciliis editis generalibus, vel specialibus Constitutionibus, & Ordinationibus, necnon quorumcumque Ordinum, Congregationum, Institutorum, & Societatum, etiam Jesu, ac quorumvis Monasteriorum, Conventuum, Ecclesiarum, Locorum piorum, aliivæ, quibusvis etiam iuramento, confirmatione Apostolicâ, vel quavis firmitate aliâ roboratis statutis, & consuetudinibus, privilegii quoque, indultis, & literis Apostolicis Ordinibus, Congregationibus, Institutis, & Societatibus, etiam Jesu, ac monasteriis, Conventibus, Ecclesiis, & Locis piis prædictis, illorumque respectivè Superioribus, & Personis quibuslibet, in genere, vel in specie, præsertim quod interdicti, suspendi, vel excommunicari non possint per literas Apostolicas non facientes plenam, & expressam, ac de verbo ad verbum de Indulto huiusmodi mentionem, ac alias sub quibuscumque verborum tenoribus, & formis, ac cum quibusvis etiam derogatoriis derogatoriis, aliisque efficacioribus, efficacissimis, & insolitis clausulis, irritantibusque, & aliis decretis, etiam motu, scientiâ, & potestatis plenitudine paribus, seu ad quarumcumque personarum, etiam Imperiali, Regali, aliavæ quâlibet mundana, vel Ecclesiasticâ dignitate fulgentium instantiam, aut earum contemplatione, seu aliis quomodolibet in contrarium præmissorum concessis, ac pluries iteratis, ac quanticumque vicibus confirmatis, innovatis, & approbatis.

§. 5. Quibus omnibus, & singulis, etiam si pro illorum sufficienti derogatione de illis, eorumque totis tenoribus specialis; specifica, expressa, & individua, ac de verbo ad verbum, non autem per clausulas generales idem importantes, mentio habenda, aut aliqua alia exquisita forma ad hoc servanda foret, tenores huiusmodi præsentibus pro plenè, & sufficienter expressis, ac de verbo ad verbum insertis habentes, illis aliis in suo ro-

bore permanuris, ad præmissorum effectum hac vice dumtaxat specialiter, & expressè derogamus, ac plenissimè, & amplissimè derogatum esse volumus, ceterisque contrariis quibuscumque. Volumus autem, ut earundem literarum transumptis, seu exemplis, etiam impressis, manu alicujus Notarii publici subscriptis, & sigillo personæ in Ecclesiasticâ dignitate constitutæ munitis, eadem prorsus fides adhibeatur ubique, quæ præsentibus ipsis adhiberetur, si forent exhibitæ vel ostensæ. Datum Romæ apud S. Petrum sub Anulo Piscatoris die xxiv. Decembris 1711. Pontificatus Nostri Anno XII.

F. Oliverius.

MOTUS PROPRIUS

XLIX.

Concessionis Venerabilis Ecclesiæ, & Collegii Sanctæ Mariæ Montium Congregationi Piorum Operariorum de Urbe.

CLEMENS EPISCOPUS

SERVUS SERVORUM DEI,

Ad perpetuam rei memoriam.

S Alvatoris Nostri vices, licet immeritò gerentes, ea præcipuè curare debemus in Terris quæ idem Dominus Noster Jesus Christus curat in Cælis. Cum itaque ipse magnum, & ineffabile redemptionis nostræ mysterium impleturus ex omni Creaturâ Mariam Virginem Purissimam, atque sanctissimam sibi Genitricem prælegerit, unaque cum uberrima sæcunditate virginitalis florem illibatam perpetuò servaverit, & Spiritu Sancto eam obumbrante, tanta præfulserit in ea sanctarum pulchritudinis, & virtutum majestas, ut Sol, & Luna, totaque natura eam mirantes obstupuerint, ac Infernus quoque contremuerit; Ipsa quidem diu expectata Patribus tandem veniens gratiarum luminibus ornata Nos salutifera sæcunditate suâ liberavit à captivitate, & Serpentis caput triumphali pede calcans amictâ Sole, Lunam habens sub pedibus, victrix duodecim coronâ Stellarum ab æterno Rege ejus Filio coronari, ac super Angelorum choros Regina Cæli, & Terræ constitui promeruit: dum tanta meritorum insignia, quibus ipsa Virgo Dei Genitrix gloriosa sedibus illata sydereis, quasi Stella resulget matutina, piæ considerationis acie perferutamus, dignum, quin potius reputamus debitum, ut sicuti Redemptor noster, & Deus ipsam Sacratissimam Virginem sublimavit in Cælis, honorari procuremus in terris; & in Ecclesiis suo nomine, & celebri miraculorum copiâ, ac splendore illustribus assiduò nostra nos pulsat sollicitudo, ut per Ministrantium vitæ integritatem, morumque puritatem, quantum in humanis viribus est, par ille sibi Religionis exhibeat in mundo cultus, qui ab Angelis eorum Regiæ ministrantibus exhibetur in Cælo.

§. 1. Inter huiusmodi Ecclesias in Almâ Urbe nostra existentes, illam clarescere conspicimus Sanctæ Mariæ in Montibus nuncupatam, in quâ ejus Sacratissimæ Imago olim ex humili loco divinitus detecta venerabiliter asservatur, assiduâque fidelium Religione, ac miraculorum copiâ effulget in dies, & sub cujus auspiciis felix illa alitur Juventus, quæ à Genitorum infidelitatis tenebris

Exordium à dignitate Beatæ Virginis Mariæ, cujus Ecclesiasticum cultum promovere satagit.

Præcipua Ecclesia B. V. in Alma Urbe recensetur S. Mariæ in Montibus nuncupata; apud quam degunt Juvenes Neophyti.